

正一解厄醮儀

忠四

正一解厄醮儀

忠四

凡人年命有厄元辰死忌五羅筭盡陽九
陰八盜賊口舌疾病官橫財產不利觸事
災憂者可依法推究章醮解之即得轉禍
為福大吉利宜以太歲本命甲子庚申及
諸吉日醮請司命北斗七星生度災厄所
須之物並隨其貴賤豐儉量之今聊舉其
數如左

淨席六領小案一面香鑪六枚

并漆盤二

十四面燈盞四十九枚

并燈纂四十九枚
枚長三尺五寸並

夜用白色線五段段長八尺已上青五段

日不用段長八尺已上布絲隨用亦可小鼎二枚

壇簋黍十二枚長一丈二尺并赤線二十四文作欄並白日

不用夜銅磬子一枚大盤一面

右一十一件一造永用亦可借充

忠四

乾棗四十八顆栗黃四十八顆時果子色

別四十八顆捻頭四十八枚餈餈四十八

枚雜餅色別四十八枚黍飯三斗米拌之

屬色別四十八枚香一兩鹽半斗豉一斗

然燈油四十九盞并炷並夜用淨水一碗

右一十三件醮訖並分散令盡

手中三尺五寸布帛隨用鎮錢一千二百文命

米一石二斗命絲尺數計歲餘一紫綾為上土隨

本命納青色

右四件可臨事裁量醮訖並施散

醮法於家庭中若諸靜處若室中作壇墀

方二丈四尺開四仲門門闊四尺攔纂三

重題正東青陽之門正南朱明之門正西

皓陰之門正北玄英之門內依五方敷席

一法不用攔纂以隨壇南門外五尺一席

師座一香案案上敷巾帛亦可五方壇上

東席五帝五盤五分南席三神三盤三分

西席三台三盤三分北席六甲六盤六分

中席七星七盤七分鹽左豉右其淨水置

几上米及錢絲置案上五方座隨神階降

忠四

敷絲席為神座紫為上次緋次綠絲前敷

青布衆絲為食單上列盤金銀為上次

器壇十二尺面別一十二燈燈高三尺五

寸師案前一燈高二尺一寸執事從東門

出入先安鎮物次燒香次下食盤若行香

從中席西頭為始次第東南西北弟子立
壇東師北面扣磬三十六下平立安心靜
默絕鬧止喧存四獸及玉童玉女俠侍左

右

次叩齒三通祝曰

黃火白火
將火將火
將火將火

太上玄元五靈老君當名功曹使者左右龍
虎君捧香使者三炁正神急上關啓三天太
上玄元道君臣正爾燒香為某設醮奉請北
斗七星五帝諸君消災乞福願得八方正真
生炁來入臣身所啓速達徑御

太上昊天玉皇上帝几前

次長跪請神曰

維國號某年歲月某朔某日某辰臣某稽首

再拜謹上請北斗第一貪狼星第二巨門星

第三祿存星第四文曲星第五廉貞星第六

忠

三

武曲星第七破軍星七星真君各率官屬降

臨中席歆饗醮禮

謹上請三台六星上鼎君各率官屬降臨西

席歆饗醮禮

謹上請東方青帝九炁君南方赤帝三炁君

西方白帝七炁君北方黑帝五炁君中央黃
帝一炁君五方帝君各率官屬降臨東席歆
饗醮禮

謹上請南上司命司錄延壽益算度厄尊神
各率官屬降臨南席歆饗醮禮

謹請六甲六旬王文卿等陰陽六十神從官
將吏玉女眾靈一切來下降臨北席歆饗醮
禮師伏地思神
集座起再拜

次上香
獻茶
初獻

上啓七星五帝三台命錄六甲等神伏願一

一降臨歆饗醮禮今有州縣鄉里官位姓名

年歲生月本命甲子其神王文卿從官十八

人屬北斗第一貪狼星字露神子生在凡俗百行多違無福

穰災遂延憂患動止懷懼心念不安唯恐今

歲年中被諸衰厄衆死并會刑殺加臨八難

所纏七傷爲惡凶神構禍毒鬼興災一日遭

罹無方取濟告祈感切深可哀矜謹以今日

吉慶良辰某地露出中庭依科首謝謹齋命

綵命米信錢信物信香并奏一通於北斗之

下對衆靈之前歸命星官披心帝府輒獻微

禮率薦丹誠醮降真神祈恩委命伏願流慈
布澤合譙停輝若人多云謹條具醮弟子再
拜

次上香

亞獻

重啓衆真等其慊倒翹勤乞求靈祐唯願賜

忠四

四

為其解却身命今歲來年所有災厄願解東
方青瘟青災春之三月木行之厄願解南方
赤瘟赤災夏之三月火行之厄願解西方白
瘟白災秋之三月金行之厄願解北方黑瘟
黑災冬之三月水行之厄願解中央黃瘟黃

災四季之月土行之厄願解本命行年生胎
日月五行相克九宮不利之厄願解衆元諸
殺天年歲星三刑六害五羅筭盡之厄願解
四出行來逢災遇禍所求不得所作不成田
種薄收蠶桑不熟之厄願解盜賊兇寇劫掠
侵奪亡失錢財剝削之厄願解官私口舌牢
獄囚繫刑法律令枷鎖之厄願解時行疫疠
患瘡中風千病萬痛危亡之厄願解軍行戰
鬪兵刃殺傷山川阻險沒溺之厄願解四方
十二時上新死故亡雄雌注殺破射之厄願

解虎狼蟲蛇蛟龍蜂蠆毒螫之厄一切諸厄
悉乞解除若天羅所加地網所繞六神為惡
九醜為災厭殺剋傷建破衝擊年窮筭盡厄
會深重者伏願天官迴罔極之施降雲雨之
恩俯鑒丹誠俄流惠澤厄元瓦解禍難冰消

忠四

五

則枯木更榮朽骸蒙潤咸荷明聖覆護重恩

若上章
即云臣

今謹為拜奏某章一通上聞天曹請

先出功曹使者及時騰達伏願尊神照省

總云

弟子再拜謹啓

次散酒飲食出官上章訖更上香

終獻

重啓明星北斗三台五帝司命司錄六甲等
神其敢竭至誠奉請明聖几筵穢濁所獻輕
微仰勞尊神迂屈雲駕垂恩曲盼被福蒼生
特乞淵波恩霑某千愆萬過賜為消除夢想

正真災殃弭滅北斗落死南宮注生五帝真
靈並加匡衛六甲神吏常與扶持舉向開通
營求允遂若在官者秩昇進品位高遷政化風
行威嚴霜肅永綏天祿長簡帝心朱紫騰芬
徽猷克著若在宅者居宅清肅人口平安金玉滿

堂錢財運合五龍鎮守六耗不生男女貞賢

門戶興盛若在道者六通洞遠四達圓明慧業相

資威神自在玉曆題字金簡刻名兆庶欽崇

人天敬仰若疾病者某所苦之處即蒙輕減五內

通理百關調暢鬼滅毒散寒消熱歇四大平

復六府清和總云則上荷明神無邊慧力惟垂

廣蔭被受大恩弟子再拜謹啓

宣疏

送神

伏以神降倏歛應感斯須禮謝既周行香已

畢神歡人悅留連盡席雲車整轡羽駕踟躕

晷刻易淹不敢稽滯上界天官仰昇宮陛下
地神祇各還部署向所祈啓具騰表裏願垂
采鑒領納所陳昇車之恩惟垂愷悌臣及第
子再拜奉送神馭

復鑪

忠四

六

香官使者左右龍虎君捧香使者當令醮壇
之內自然生金液丹精芝英芳味流溢百靈
交會於香火鑪前令其設醮之後災消厄度
受福蒙恩十方仙童玉女侍衛香煙傳臣所

啓徑御

昊天玉皇上帝几前

受高靈行事畢主人取本命星盤再拜食之
交會亦餘吉其下醮盤為土地主下一盤於

壇外亦得

正一解厄醮儀

共因

